


TATITRY NY SAMPANA FI.MPI.MA. CANADA – ZAIKABE 2014

MPANOLOTRA:
ROLAND RANAIVOARISON
FILOHA MPANAMPY





CANADA



Firenena midadasika eo amin'ny velarantany 17 avo heny miohatra amin'i Madagasikara i Canada. Misy mponina 35 tapitrisa (tsy misy indroa avo heny amin'ny mponina eto Madagasikara). Ny ankamaroan'ireo mpiavy Malagasy dia manorim-ponenana ao amin'ny faritanin'i Québec, izay isan'ireo faritany 13 mivondrona ao anatin'i Canada. Montréal no tanàna hahitana Malagasy be indrindra.



SAMPIKA



Ny Sampana FI.MPI.MA Canada, antsoina ihany koa hoe SAMPIKA, dia niforona tamin'ny 8 martsa 2008, taorian'ny fandalovan-dRamatoa Hajaina Andrianasolo, izay angady nananana sy vy nahitana, tamin'ny fampianarana sy famoahana ireo andiany roa voalohany (Volavita sy Rado).

Sampika no sampana FI.MPI.MA voalohany niforona ivelan'ny ranomasina.

Manana birao ary rantsana roa : Montréal sy Ottawa.

Tsaroana manokana eto i Masera Mélina Razafindravao, mpikabary Sampika, nodimandry tamin'ny Septembre 2011, izay nahaefa be tokoa tao anatin'ny fikambana.



ANDIA NIVOAKA



Anarana	Taona nivoahana	Isan'ny mpikambana Mpikabary	Isan'ny mpikambana Taninketsa
Volavita	Mey 2008	12	4
Rado	Desambra 2011	10	1
Henika	Marsa 2014	4	

Ankoatra ireo izany dia misy ihany koa mpikambana izay nahavita fiofanana avy any Madagasikara. Amin'izao fotoana izao, dia 18 no isan'ny mpikambana mavitrika. Tsara hotsindriana eto ihany koa ireo sakaizan'ny mpikabary, izay miisa ampolony maro, vahiny sy malagasy, manotrona ny fikambanana amin'ny hetsika isan-karazany.



FAMPIANARANA




Tanterahina amin'ny alalan'ny atrikasa mivantana sy alalan'ny taratasy mailaka ny fampianarana. Izany no natao dia noho ny halaviran-toerana.

Manaraka ny fandaharam-pampianarana mifanaraka amin'ny aty Madagasikara ary araka ny voasoratra ao anaty Vona Mampiray. Misy ny fanadinana ary ny famoahana miaraka amin'ny fitafian-damba.

Hatramin'izao dia niisa roa ireo mpampianatra izay niandraikitra ny rantsana tsirairay avy : Ndrianja Ramanantsalama (Ottawa) sy Roland Ranaivoarison (Montréal).

Isan'ny ezaka lehibe amin'ny ho avy, ny fanofanana mpampianatra, ary famporisihana ireo mpiakabary hampianatra sy hanao fikarohana.



FITANTANAM-BOLA



Tsy manana fidiram-bola na kitapom-bola ny Sampana Canada. Isaky ny hetsika, dia manao tsipaipaika izy ireo, entina mifampizara ny lany amin'ny enti-manana.

Tsy manana fitaovana manokana ihany koa fa mindrana amin'izay mpikambana na sakaizan'ny mpikabary, araka izay ilaina amin'ny hetsika.

Ny fandoavana ny latsakemboka dia angonin'ny mpitambola, Andriamatoa Abdon Razafimahefa, ary alefany mivantana aty amin'ny Birao Foibe.



FIFANDRAISANA

Miaro sy manondrotra ny fomba amam-pitenenana malagasy amin'ny alalan'ny kabary Izay tia ny tenindrazany, tia ny tanindrazany

FI.MPI.MA.
CANADA

Arahaba Tantara Mpikambana Hira Faneva Fifandraisana Fidirana Filoha Foibe FI.MPI.MA

Filoha Sampana Kanada

Hetsika

Lisitra

- Vaovao
- Fampianarana
- Hetsika
- Rakitsaina
- Rakitsary
- Serasera
- Rohy
- Soso-kevitra
- Tetrandro

FANKALAZANA NY FETIN'NY 26 JIONA 2011

Fandraisana anjara nataon'ny SAMPIKA (Sampana FIMPIMA Canada) tamin'ny fankalazana ny fetim-pirenena, Montréal, 2011


FIMPIMA 25 jiona 2011 - Tapany Voalohany

0:00 / 10:01

Maro loko ireo fomba fifandraisana mahazatra ny mpikabary eto Canada, izay mifandraika amin'ny elanelantany amin'ireo tanana misy ireo mpikabary.

Ny taratasy mailaka, ny Skype sy antso an-tarobia no fomba fifandraisana mahazatra ny mpikabary.


Ankoatr'izay, ary isan'ny zava-bitia nanampy tamin'ny fampandrosoana ny fikambanana, dia ny tranonkala : www.fimpimakanada.org, izay manome vaovao momba ny fikambanana ary ny fampianarana (ohabolana, hainteny, fandaharam-pianarana).



HETSIKA SAMIHAFA : CABANE À SUCRE




Manaraka volontany toy ny trandraka antanimena moa ny fikambantsika. Izany no anton'ny fiaharaahan'ny mpikambana sy ireo sakaiza, miara-mankafy ny sakafon-drazana québecois amin'ny toerana hafakely voatokana amin'izany. Izany dia fomba fanao amin'ny vanimpotoana fiandohan'ny lohataona. Araraotina hany koa izany fihaonana izany, hanaovana fivoriame.



HETSIKA SAMIHAFA : FANKALAZANA NY FETIM-PIRENENA



Niara-nisalahy ny mpikabary tamin'ny fanaovana tantara an-tsehatra momba an'i Madagasikara, manomboka tamin'ny andro fahagola, mandalo amin'ny vanimpotoana faha-mpanjaka, ny fanjanahatany, sy ny fahaleovantena, ary mifara amin'ny vanimpotoana hiainantsika izao.



SAMPANA FI.MPI.MA CANADA


HETSIKA SAMIHAFA : FANDRAISANA ANJARA AMIN'NY RSM



Fandraisana anjara amin'ny alalan'ny hira sy dihy isam-paritra, ho fanehoana ny soa sy ny hakanton'ny vakoka ary ny teny malagasy, eo anatrehan'ireo mpandray anjara amin'izany fihaonamben'ny tontolon'ny fanatanjaha-tena aty Amerika Avaratra izany.



HETSIKA SAMIHAFA : FANKALAZANA NY 29 MARSA




Nisy ny famelabelarana nataon'Andriamatoa Allain Rasolofoson, mpikabary, mikasika ny tantaran'ny tolom-panafahana sy ny fitiavan-tanindrazana. Narahina fanontaniana sy hirahira manodidina ny fitiava-tanindrazana ny lanonana.



HETSIKA SAMIHAFA : FANKALAZANA NY FAHA 50 TAONAN'NY FI.MPI.MA.



Hetsika natao nandrity ny RSM farany teo, ny Asabotsy 5 jolay teto Montréal 2014. Nandraisana tamin'ny fomba manetriketrika ny Fanilo ary nankalazana tamin'ny alalan'ny dihy sy hira ary fizarana mofo mamy ny faha-50 taona. Nisy ihany koa ny fanatontana taratasy momba ny Fi.MPI.MA izay nozaraina tamin'ireo tonga nanotrona.



MPIARA-MIOMBON'ANTOKA



Sekoly Malagasy

Ny Sekoly Malagasy eto Montréal no loharano nipoiran'ny Sampana FI.MPI.MA. Canada araka ny tantaran'ny Sampika. Mitovy tanjona rahateo ny fikambanana roa tonta amin'ny fampiroboroboana ny teny malagasy. Miara-miasa amin'ny fanatanterahana ireo hetsika isan-karazany.



AMBASSADE DE LA RÉPUBLIQUE
DE MADAGASCAR AU CANADA



Masoivohon'ny Madagasikara eto Canada

Ny Masoivoho dia manotrona hatrany ny Sampana amin'ny hetsika isan-karazany.



FEHINY: ANJARA-TOERAN'NY MPIKABARY EO AMIN'NY FIARAHAMONINA ETO CANADA



Na dia tsy hiainana andavanandro, toy ny aty an-tanindrazana aza, ny fomba sy ny kabary malagasy, eto Canada, dia tsapa fa miezaka hatrany ireo mpikabary mampiely sy mampihatra izany, amin'izay fotoana rehetra maha-mety azy.

Noraisin'izy ireo ho adidy hatrany ny fitandrovana sy fampiroboroboana ny teny sy ny fomba amam-pahendrena Malagasy, ary ny fampahafantarana ny tantaran'i Madagasikara.

Tsy adino indrindra ihany koa ny fandraisana anjaran'ny mpikabary isam-batan'olona, amin'ny alalan'ny fandraisam-pitenenana amin'ny maha-mpikabary azy, eo amin'ny tranga samihafa ara-piaraha-monina malagasy misy eto Canada. Na eo amin'ny fianakavianan'izy ireo tsirairay avy izany, na eo anivo sy ivelan'ny fikambanana ihany koa. Ohatra amin'izany ny fanaladiana, fahaterahana, fanambadiana, lanonana samihafa toy ny fandraisana ny fanasan'ny Tompo, famangiana mpikambana marary, sy ny sisa.

Izany dia araka ilay teny filamatra hoe: Izay tia ny tenindrazany, tia ny tanindrazany, ka miray hina sy miombom-po hatrany amin'ireo mpiray tanindrazana aminy, eto Canada sy any Madagasikara.